



# Халқ сўзи

Ўзбекистон —  
Келажаги  
Буюк  
Давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2016 йил 23 январь, № 16 (6451)

Шанба


Сайтимиизга ўтиш учун QR-коднинг телефонингиз орқали сканер қилинг.



## ЮҚОРИ МАЛАКАЛИ КАДРЛАР мамлакатимиз тараққиётида ҳал қилувчи аҳамиятга эга

Бугунги кунда глобал иқтисодиётда компьютер ва телекоммуникация технологиялари, дастурий таъминот маҳсулотларини ишлаб чиқариш ва улар асосида кенг турдаги интерфаол хизматлар кўрсатишни ўз ичига олган ахборот-коммуникация технологиялари соҳасининг роли ва аҳамияти тобора ортиб бормоқда. Президентимиз мамлакатимизни 2015 йилда ижтимоий-иқтисодий ривожлантириш яқунлари ва 2016 йилга мўлжалланган иқтисодий дастурнинг энг муҳим устувор йўналишларига бағишланган Вазирлар

Маҳкамасининг кенгайтирилган мажлисидаги маърузасида ахборот-коммуникация технологияларининг ривожланиши мамлакатнинг рақобатдошлик даражасига таъсир кўрсатиши, катта ҳажмда ахборот тўплаш ва уни умумлаштириш имконини бериши, бошқариш стратегик даражада ташкил этиш учун кенг имкониятлар очиб беришини алоҳида таъкидлади. Юртимизда ушбу йўналишда малакали кадрлар тайёрланаётгани, ахборот-коммуникация технологиялари соҳасини янада ривожлантириш учун барча зарур ресурслар ва имкониятларга эга эканлигимизни эътироф этди.



Жумладан, Тошкент ахборот технологиялари университети (ТАТУ)да замон талабларига жавоб берадиган юқори малакали кадрлар тайёрлаш йўлга қўйилган. Давлатимиз раҳбарининг ахборот технологиялари соҳасида кадрлар тайёрлаш тизимини янада такомиллаштиришга оид қарори билан университетнинг Самарқанд, Фарғона,

Нукус, Қарши ва Урганч шаҳарларида ҳудудий филиаллари ташкил этилган. — Тошкент ахборот технологиялари университети ҳамда унинг филиалларида мавжуд таълим йўналишлари ва мутахассисликлари оптималлаштирилиб, 8 та таълим йўналиши ҳамда 9 та мутахассислик бўйича кадрлар тайёрлаш йўлга қўйилган, —

дейди Компьютер инжиниринг факультети декани, техника фанлари номзоди Комил Тошев. — Ҳозирги пайтда бу ерда Нидерландия, Франция, Италия, Германия, Финляндия, АКШ, Буюк Британия, Хиндистон, Хитой, Япония каби давлатларнинг 42 та университети, 8 та илмий тадқиқот маркази, 26 та ташкилот ва компанияси билан

ўзаро ҳамкорлик алоқалари йўлга қўйилган. Бунинг натижасида охири йилларда жаҳон андозалари даражасида 16 та ўқув-лабораторияси, тўққизта компьютер синфи, тўртта марказ (Ўзбекистон — Хиндистон ахборот технологиялари маркази, Ўзбекистон — Жанубий Корея ахборот технологиялари маркази, Ўзбекистон — Жанубий Корея

“Интернет Плаза” маркази, “СISCO” минтақавий академияси ўқув маркази) ташкил этилди. Жавоҳарлаъл Неру номидаги Ўзбекистон — Хиндистон ахборот технологиялари маркази грант ҳисобидан умумий қиймати 500,0 минг АҚШ долларилик воситалар билан жиҳозланди.

(Давоми 2-бетда).

### ПАРЛАМЕНТ ҲАЁТИ

Мамлакатимизда инсон манфаатларини таъминлаш, ҳуқуқ ва эркинликларини ҳимоя қилиш бўйича барча ташкилий-ҳуқуқий шарт-шароит мавжуд. Айниқса, муносиб меҳнат шароитларини яратиш, меҳнат муҳофазасининг ҳуқуқий асосларини такомиллаштириш бўйича кўрилатган чора-тадбирлар бу борада муҳим аҳамият касб этаётир.

### Қонун лойиҳаси — жамоатчилик муҳокамасида

Бу эса давлатимиз раҳбари ташаббуси билан амалга оширилётган жамиятни демократлаштириш ва модернизация қилиш, фуқаролик жамиятини барпо этиш жараёнларининг ажралмас қисмидир.

Айни кунларда Олий Мажлис Қонунчилик палатаси кўмиталари томонидан республикамизнинг барча давлат қорхоналари ва ишлаб-чиқариш объектлари, илмий ва таълим муассасаларида кенг жамоатчилик вакиллари иштирокида “Меҳнатни муҳофаза қилиш тўғрисида”ги Ўзбекистон Республикаси Қонунига ўзгартириш ва қўшимчалар киритиш ҳақида”ги қонун лойиҳаси юзасидан ташкил этилаётган муҳокамаларда ана шуларга алоҳида урғу берилмоқда.

Чунинчи, Қорақалпоғистон Республикаси, Навоий, Хоразм, Самарқанд, Тошкент вилоятлари ҳамда Тошкент шаҳрида ўтказилган тадбирларда қонун лойиҳасининг аҳамиятини жиҳатлари таҳлил этилиб, уни такомиллаштириш юзасидан таклифлар билдирилди.

Мазкур жараёнга олимлар, мутахассислар, фуқаролик жамияти институти вакиллари ва экспертлар кенг жалб этилгани эътиборга молик. Бинобарин, давлатимиз раҳбарининг парламент палаталари қўшма мажлисидаги маърузасида таъкидланганидек, қонунлар лойиҳалари, айниқса, аҳолининг ҳаётий муҳим манфаатлари, ижтимоий ҳуқуқларига бевосита дахлдор бўлган қонунчилик ҳужжатлари му-

ҳокамасига жамоатчиликни, фуқаролик институтлари вакиллари ҳам кенг жалб этиш лозим. Ўз навбатида, бу қонунчиликнинг сифати ва таъсирчанлигини оширишга хизмат қилади.

Депутатлар муҳокамалар чоғида ўтган даврда меҳнатни муҳофаза қилиш масалаларини тартибга солиш, ушбу соҳада замонавий талабларни белгилөөчи қўлаб-норматив-ҳуқуқий ҳужжатлар қабул қилинганини таъкидлашди. Ўз навбатида, саноат, қурилиш, транспорт қорхоналарига тааллуқли бўлган “Техник жиҳатдан тартибга солиш тўғрисида”ги, “Иш беворчининг фуқаролик жавобгарлигини мажбурий суғурта қилиш тўғрисида”ги, “Мувофиқликни баҳолаш тўғрисида”ги қонунларнинг қабул қилинганини ҳам “Меҳнатни муҳофаза қилиш тўғрисида”ги Қонунни қайта кўриб чиқиш заруратини юзага келтирди.

Парламент аъзоларининг фикрича, мазкур қонун лойиҳасининг мақсади ташкилотларда иш беворчи ва ходимларнинг меҳнатни муҳофаза қилиш талабларини бажариш бўйича масъулиятини оширишдан, махсус ваколатли давлат органининг, давлат бошқаруви бошқа органларининг меҳнат шароитлари ва меҳнатни муҳофаза қилиш юзасидан тегишли назоратни таъминлаш борасидаги вазифаларини белгилашдан иборатдир.

(Давоми 2-бетда).

### Қисқа сатрларда

● Термизда Президентимизнинг 2015 йил 22 декабрдаги “Ўзбекистон Республикасининг 2016 йилги асосий макроиқтисодий кўрсаткичлари прогнози ва Давлат бюджети параметрлари тўғрисида”ги қарорининг мазмун-моҳиятига бағишланган семинар бўлиб ўтди.

● Пойтахтимизда “Ўзбекенгилсаноат” акциядорлик жамияти томонидан ўтказилган йилги 2015 йилда мамлакатимиз энгил саноат тизимида амалга оширилган ишлар таҳлили ва жорий йилда ушбу соҳани янада ривожлантириш истиқболлари муҳокама қилинди.

● Бухорода халқ таълими ходимларининг касб малакасини оширишга қаратилган “Маҳорат мактаби” мавзусида ўқув-семинар ташкил этилди. Унда 22 фан йўналиши бўйича замонавий ахборот технологиялари, кўргазмалар воситалардан кенг фойдаланган ҳолда дарс ўтишининг инновацион усуллари юзасидан тажриба алмашилди.

● Тошкент вилоятининг шаҳар ва туманларида “Ёшлар ўртасида эрта турмуш қуришнинг олдини олишда оила, таълим муассасаси ҳамда жамоатчилик ҳамкорлиги” мавзусида ҳудудий семинарлар уюштирилди.

● Наманганда “Кўли гулдир ўзбек аёли” деб номланган фестивал бўлиб ўтди.

«Халқ сўзи» мухбирлари хабарлари асосида тайёрланди.

## Ҳудудларни ижтимоий-иқтисодий ривожлантиришнинг муҳим омили

Аввал хабар қилинганидек, шу кунларда жойларда вилоятлар ҳокимлари тегишли халқ депутатлари маҳаллий Кенгашларига ҳудудлар ижтимоий-иқтисодий ривожланишининг энг муҳим ҳамда долзарб масалалари юзасидан ҳисоботлар тақдим этмоқда.

### МАҲАЛЛИЙ КЕНГАШЛАРДА

Конституциямизнинг 103-моддасига 2014 йилда киритилган ўзгартириш ва қўшимчаларга мувофиқ ташкил этилаётган мазкур мажлисларда парламентимиз аъзолари, ҳудудий давлат органлари, фуқаролар ўзини ўзи бошқариш органлари, қорхоналар, муассасалар, ташкилотлар, шу жумладан, нодавлат нотижорат ташкилотлари, сиёсий партиялар, оммавий ахборот воситалари вакиллари катнашапти.

Гулистонда Сирдарё вилояти ҳокими О. Ашурматовнинг ҳисоботи депутатлар томонидан танқидий-таҳлилий руҳда кўриб чиқилди. Мажлисида қайд этилганидек, жаҳон молиявий-иқтисодий инқирози давом этаётганига қарамай, 2015 йилда

мамлакатимизда иқтисодий дастурнинг энг муҳим йўналишлари ва устувор вазифалари ҳамда чуқур таркибий ўзгаришлар, ҳусусий мулк ва кичик бизнес манфаатларини ишончли ҳимоя қилишни таъминлаш бўйича ҳар томонлама пухта дастурнинг ишчи ва тизимли амалга оширилиши натижасида иқтисодиёт нотижорат ташкилотлари, сиёсий партиялар, оммавий ахборот воситалари вакиллари катнашапти.

— Ҳокимнинг ҳисобот тақдим қилиши амалиёти ҳудудларни ижтимоий-иқтисодий ривожлантириш, маҳаллий давлат ҳокимияти ва бошқаруви органлари фаолиятининг самарадорлигини

оширишда муҳим аҳамиятга эга, — дейди Олий Мажлис Сенати аъзоси Орифжон Қудратов. — Чунки ҳисоботни муҳокама қилиш яқунларига кўра, халқ депутатлари Кенгашининг қарори қабул қилинади. Маҳаллий ижро ҳокимияти органлари ва ҳокимлар ишининг самарадорлигига комплекс баҳо берилиб, тегишли тавсия ҳамда таклифлар ишлаб чиқилади, шунингдек, қарор амалга оширилишининг бориши устидан назоратни таъминлашга доир чора-тадбирлар белгилаб олинади.

Бу эса маҳаллий давлат ҳокимияти органлари фаолиятининг очиклигини таъминлашга, аҳоли манфаатлари ҳимояси билан боғлиқ масалаларга оидлик киритишга, соҳа ва тармоқлар ривожини таҳлил қилиш орқали ҳаётий таклифлар ишлаб чиқишга асос бўлади.

Мажлисида вилоятни ижтимоий-иқтисодий ривожлантириш бўйича устувор йўналишлар ҳамда асосий соҳалар юзасидан белгиланган прогноз кўрсаткичларининг бажарили-

ши таъминлангани кўрсатиб ўтилди. Хусусан, яли ҳудудий маҳсулот ўсиш ҳажми 5,9 фоизни ташкил қилди. Шу жумладан, саноатда 5,9, истеъмол моллари ишлаб чиқариш 8,9, қишлоқ хўжалиги маҳсулотлари етиштириш 5,6, қурилиш-пудрат ишлари 7,5 фоиз ошди.

— Ҳисоботни танқидий-таҳлилий нуқтаи назардан муҳокама қилиб, вилоятимизни ижтимоий-иқтисодий ривожлантиришнинг 2016 йилга ва ундан кейинги даврга мўлжалланган устувор йўналишларини белгилаб олдик, — дейди халқ депутатлари вилоят Кенгаши депутати Уразали Норбўтаев. — Бунда мавжуд йирик ишлаб чиқариш қувватларидан самарали фойдаланиш, қорхоналарни модернизация қилишнинг давом эттириши ва янги қорхоналарни ташкил этиш бўйича истиқболли лойиҳаларни амалга оширишга алоҳида эътибор қаратиш зарурлиги кўрсатиб ўтилди.

(Давоми 2-бетда).

## Долзарб вазифалар ижроси таҳлили

Ўзбекистон Республикаси Ахборот технологиялари ва коммуникацияларини ривожлантириш вазирлигининг 2015 йилги фаолияти яқунларига бағишланган кенгайтирилган Ҳайъат йиғилиши бўлиб ўтди. Унда вазирлик тизимидаги муассасалар, ҳудудий бошқармалар, қорхона ҳамда ташкилотларнинг ҳудудий бўлинмалари раҳбарлари иштирок этди.

### САРҲИСОБ

Тадбирда Президентимизнинг мамлакатимизни 2015 йилда ижтимоий-иқтисодий ривожлантириш яқунлари ва 2016 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамаси-

нинг кенгайтирилган мажлисидаги маърузасидан келиб чиқиб, истиқболда амалга оширилиши лозим бўлган вазифалар муҳокама қилинди.

Давлатимиз раҳбари маърузасида таъкидланганидек, бугунги шароит-

да, интернет ва электроника даврида берадиги, айни пайтда глобал иқтисодиётда компьютер ва телекоммуникация технологиялари, дастурий таъминот маҳсулотларини ишлаб чиқариш ҳамда улар асосида кенг турдаги интерфаол хизматлар кўрсатишни ўз ичига олган ахборот-коммуникация технологиялари соҳасининг роли ва аҳамияти тобора ортиб бормоқда.

Жаҳон тажрибаси шундан далолат берадиги, айни пайтда глобал иқтисодиётда компьютер ва телекоммуникация технологиялари, дастурий таъминот маҳсулотларини ишлаб чиқариш ҳамда улар асосида кенг турдаги интерфаол хизматлар кўрсатишни ўз ичига олган ахборот-коммуникация технологиялари соҳасининг роли ва аҳамияти тобора ортиб бормоқда.

Зеро, ахборот-коммуникация технологияларининг ривожланиши мамлакатнинг рақобатдошлик даражасига таъсир кўрсатади, катта ҳажмда ахборот тўплаш ва уни умумлаштириш имконини беради, бошқариш стратегик даражада ташкил этиш учун кенг имкониятлар очиб беради.

Тадбирда қайд этилганидек, юқори тезликдаги интернет тармоқларини ривожлантириш мақсадида мамлакатимиз ҳудудларида 1800 км.дан зиёд оптик толали алоқа линиялари ётқизилди. Тошкент ва Бухоро боғламалари ўртасида 100 Гбит/с.га тенг DWDM технологиясидаги алоқа канали ишга туширилди.

(Давоми 2-бетда).





# Абадиятга дахлдор мерос

Алишер Навоийнинг ибратомузу ҳаёти ва фаолияти ҳар қандай инсонни ҳайратга солувчи воқеаларга, таҳсин, таъриф-таъсиф ва эътирофларга бойлиги билан алоҳида эътиборга лойиқдир. Бундай тарихий далил ҳамда маълумотлар, аввало, буюк мутафаккирнинг ўз асарларида, шунингдек, бир талай ишончли манбаларда келтириб ўтилганлиги билан ҳам диққатга сазовор.

## ЭХТИРОМ



Шоирнинг хотирлашича, “уч ёш билан тўрт ёшнинг орасида азизлар тақлифи билан” ҳуроронлиқ шоир Амир Қосим Анварнинг форсча бир газалининг биринчи байтини ёддан айтиб, улуғларнинг “ҳайрат изхори”га эришган. Аини чоғда ушбу байт унинг илк бор ўрганган назиҳам бўлган. (“Мажолис ун-нафоис”)

Бундан ташқари, тўрт яшар Алишернинг ўткир зехни, фаҳм-идроқи билан ўзидан катта ёшдаги мактабдошларидан ажралиб турганлиги, беш-олти ёшда Фаридиддин Аттормнинг гаройиб ҳикоялардан таркиб топган “Мантик уг-тайр” достонини тўлиқ ёдлаб, ҳаммамни ҳайратга солганлиги ҳам аини ҳақиқатдир.

Бундай саъй-ҳаракат ва интилишлар, шоирнинг ўзи эътироф этганидек, шеърят мактаби вазифини ўтайди:

*Кўнгида не маъни ўса эрди пайдо,  
Тил айлар эрди назм либосига адо.*

Навоий бир шеърда Низомий, Дехлавий, Атор каби улуғ салафлар ўз ашъорлари орқали мурғак қалбига “буюк мурдо” — туркий тилда йирик асарлар бунёд этиш ишқини жойлаганиларни баён этади:

*Кичик эркинимда бўлиб қошма,  
Буюк мурдога солдингиз бошим.*

Бобокалонимиз ҳаёти ва фаолиятини чуқур ўрганган ўқувчи шунга тўла амин бўладики, ул зот умр бўйи ана шу буюк мақсад йўлида тинмай, оғишмай фаол ҳаракат қилди, зўр иштиёқ, машаққат, матонат ва фидойилик билан қалам

Гўзал шеърлар ёза бошлаган ёш Алишер отасининг кадрдони Абулқосим Бобур кўмагида қомусий аллома Саид Хасан Ардашерга шогирдликка тушади. Шоирнинг хотирлашича, “иккаласи тил билан” (форсий ва туркийда) гоҳи назм айтувчи устоди умрининг охиригача шоирга ҳар тарафлама ғамхўрлик қилиш баробарида ижодини ҳам ардоқлаб, рағбатлантириб туради.

Навоий ижодининг илк мухлислари, тарғиботчи ва тадқиқотчилари қаторида, шубҳасиз, шоирнинг мактабдош мусохиби, дўсти Хусайн Бойқаро алоҳида ўрин тутди. Улуғ мутафаккирнинг айтишича, Хусайн Бойқаро Навоийнинг ўспиринлик чоғида ёзган шеърларини мароқ билан ўқиб, улардаги нафислик ва маҳоратни юқори баҳолаган. 1485 йилда ёзган “Рисола” номли насрий асарининг салмокчи қисмини кадрдон дўстининг ноёб ижодий даҳоси тавсифига бағишлаган. Унинг назм йўлининг барча соҳасида мислсиз маҳорат кўрсатиб, баракали ижод қилганини манмунъият билан қайд этган.

Навоийнинг фақуллода ноёб истеъдод соҳиби эканлигини машҳур жаҳон шоирлари билан таққослаб далиллашди. Шунга қара, Фирдавсий “Шоҳнома” сини 30 йилда, Низомий ҳам “Хамса” сини 30 йилда, Хусрав Дехлавий ўз “Хамса” сини 6-7 йилда ёзиб тугатган бўлса, фасоҳат мулкининг ҳақиқий паҳлавони Навоий ноёб “Хамса” сини икки йилга қолмай ёзган. Хусайн Бойқаронинг гувоҳлик беришича, Навоийнинг бевосита ушбу шоҳона асарини яратишга сарфлаган вақти аслида олти ойга ҳам бормади.

Бойқаро Навоийни она тилининг мартабасини юксалтириш йўлидаги кўп йиллик машаққатли, буюк хизматлари эвазига шеърят устунларининг қаҳрамони, назм мамлакатини забт этган соҳибқир

рон, деб баҳо беради ва куйидаги тўртлигини илова қилади:

*Эрур сўз мулкнинг кишварситони,  
Қайу кишварситон Хусравнишони,  
Дема Хусравнишонким, қаҳрамони,  
Эрур гар чин десанг соҳибқирони.*

Давлатшоҳ Самарқандий “Тазкират уш-шуро” асарида тенгсиз саҳоватпеша ва олиҳиммат амири бутун коинотга нур ва ҳарорат бахш этувчи қуёшга ўхшатади. Унинг беҳисоб кутлуғ, эзгу, буюк ишлари, фазлу қамолотининг дабдабаси унинг табарруқ номини бутун дунёга шобён қилганини қайд этади.

Навоийни ва унинг асарларини ардоқлаган кўплаб замондошлари уни беназир улуғ инсон, донишманд давлат арбоби, заковати шоир ва олим, чинакам авлиё сифатида тасаввур қилганлар. Хондамир, Восифий каби шогирдлари, Мирзо Бобур, Хайдар Мирзо сингари халқларини ўз хотираларида Навоийнинг улуғ инсоний фазилатлари, ноёб истеъдоди, заковати ҳамда илм-ҳунар ва маданият аҳлининг беназир ҳомийси экани ҳақида бир-бирини тўлдирувчи таърифу тасвиқлар ҳамда гаройиб маълумотлар келтириладилар. Хусусан, Хондамирнинг “Мақорим ул-ахлоқ”, “Ҳабиб ус-сияр”, “Хулосат ул-ахбор” каби асарларида Навоийнинг қарийб 30 йил давомида беҳисоб бунёдкорлик, ободончилик, илмий ва маданий-маърифий ишларга фидойилик билан раҳнамолик ҳамда ҳомийлик қилганлиги батафсил ёритилган.

- Мухтасар айтганда, бутун умрини, ижодини умумбашарий гоғлар тарбиясига, дунёни янада гўзал ва обод қилишга қодир қомил инсонлар тарбиясига бахшида этган бобокалонимизнинг маънавий жасорати абадий ибрат бўлиб қолғусидир.

Юсуф ЭШОНҚУЛОВ,  
филология фанлари номзоди.



# Мамлакатимиз сайёҳлик салоҳияти Бельгияда тақдим этилди

Бельгиянинг Лювен шаҳридаги “Brabant Hall” кўرғазмалар марказида анъанавий сайёҳлик кўрғазмаси бўлиб ўтди. Мамлакатдаги етакчи туроператорлардан бири — “Hobo Reisen” компанияси ташкил этган маъруза халқаро тадбирда дунёнинг 40 дан зиёд давлати ўз сайёҳлик салоҳиятини намойиш қилди.

## БИЗ ВА ЖАҲОН

Улар қаторида Ўзбекистон ҳам бор эди. Мамлакатимизнинг Бельгия Қироллигидаги дипломатия миссияси томонидан юртимизда жойлашган тарихий шаҳарлар суратлари экспозицияси ҳамда ўзбек халқ амалий санъати усталари тайёрлаган ранг-баранг маҳсулотлар намойиш этилди.

Улар кўрғазма иштирокчилари ва меҳмонларидан катта қизиқиш уйғотди. Шунингдек, халқимизнинг бой тарихий-маданий мероси, кўҳна меъморчилиги ҳамда республикамизнинг замонавий ривожланиши ҳақидаги ҳужжатли фильм уларда унутилмас таассурот қолдирди.

Маъруза кўрғазма доирасида Ўзбекистон сайёҳлик салоҳиятининг тақдими ҳам уюштирилди. Унда мамлакатимиз бўйлаб қизқарли сайёҳлик йўналишлари тафсилотларига алоҳида ургу берилди.

Бельгияликларда юртимизга нисбатан қизиқишнинг катта эканлиги ҳисобга олиниб, Ўзбекистон бўйлаб сайёҳат ташкил қилишга ихтисослаштирилган туроператор қизиқишига алоҳида имконият яратилди. Маҳаллий мутахассис тақдимот қатнашчиларига Самарқанд, Бухоро, Хива, Шаҳрисабз сингари тарихий шаҳарларимизнинг бой сайёҳлик салоҳияти ҳақида атрофли маълумот берди.

Кўрғазма давомида минтақадан Ўзбекистон бўйлаб саёҳатларда иштирок этиш истаги билдирилган кўп сонли бюртмалар қабул қилинган ҳам Бенилюкс мамлакатларида республикамизга бўлган қизиқиш юқори эканлигини далиллади.

Кўрғазма чоғида “Жаҳон” ажорот агентлиги муҳбири тадбирнинг айрим иштирокчилари билан суҳбатда бўлди.

Хусусан, “Hobo Reisen” сайёҳлик компанияси вице-президенти Дирк Робертс Ўзбекистон Бельгиядаги машҳур кўрғазмалардан бири ҳисоблана-

«Жаҳон» АА.

## Маданият хабарлари

Узун туманида янги маданият ва аҳоли дам олиш маркази фойдаланишига топширилди. Вазирлар Маҳкамасининг 2013 йил 25 июндаги қарори асосида амалга оширилган бунёдкорлик ишлари натижасида худудда шундай масканлар сони олтига етди.

## Файзли манзиллар

Ҳозир бу ерда бир неча тўғарақ фаолияти йўлга қўйилган. Спорт-соғломлаштириш хоналари, томоша зали ёшлар ихтиёрида. Машғулотлар самарадорлигини оширишда марказнинг салкам 67 миллион сўмлик замонавий жиҳозлар билан таъминлангани кўл келатир.

— Бундай муассасалар махсус лойиҳа асосида барпо этилмоқда, — дейди вилоят маданият ва спорт ишлари бошқармаси масъул ходими Ё. Тошмутовот. — Хусусан, ҳозирги кунда Узун туманида “Файзобод” маданият ва аҳоли дам олиш марказида ҳам қурилиш-таъмирлаш ишлари бошланиши арасида. Ушбу лойиҳа тўлиқ рўйга чиқарилгач, ёшларнинг бўш вақтини самарали ўтказиш имконияти янада кенгайди.

Дилфуза ҚАРШИБОВА.

## Кичкинтойларга туҳфа

Нукус шаҳридаги кинотеатр биноси Қорақалпоғистон Республикаси давлат кўғирчоқ театри тасарруфига берилгач, тўлиқ таъмирланиб янгича қиёфа касб этди. Бу ерда ижодий жамоа болаларга мўлжалланган энг сара дастурларини тақдим этишни бошлади.

Саҳналаштирилган ҳар бир асар, жумладан, “Совга”, “Ботир қуён”, “Сехрли таёқча”, “Ажабтовур мусобақа”, “Дўстинга ёмонлик қилма”, “Саҳродаги дўстлик”, “Болалар кулсин” каби спектакллар эзгуликни таранум этиши билан ажралиб туради.

Гулжаҳон СЕЙТНАЗАРОВА.

# Бўлажак чемпионлар маскани

Наманган шаҳрининг Лангар маҳалласида яшовчи Бобурмирзо Бахтиёров яқинда биринчи мучал ёшани нишонлади. Айтиш жоизки, у ўн иккига тўлиб-тўлмай иқтидорини намойиш этишга улгурди. Хусусан, спортнинг бокс тури билан шуғулланиб, маҳорати ортганига, болалар ўртасида ўтказилган халқаро турнирда қумуш медални кўлга киритганига кўплаб тенгқурлари ҳавас билан қарайди.

## БОЛАЛАР СПОРТИ

Бобурмирзонинг шаҳардаги Олий спорт маҳорати мактабига қатнай бошлаганига икки йилдан ошди. Устози Ислам Тожиевнинг ўғитлари, кўрсатмаларини тезда ўзлаштириб оляпти. Қатъиятли, мақсади сари дадил интилади. Масалан, бу ерда шуғулланган тенгдошлари қатори рингга чиқади, деярли барча жангчи галаба билан ақунлайди. Машқлардаги тобланиш мусобақаларда кўл келиб, ҳаммиса совриндорлар сафидан жой олмоқда. Утган йилнинг февралда шаҳардаги “Паҳлавон” спорт мажмуасида 2001-2002 йилларда туғилган болалар ўртасида ташкил этилган вилоят биринчилигида галаба қозонди. Март ойида эса пойтахтимизда бўлиб ўтган халқаро турнирда бронза медали билан тақдирланди. Фарғона вилоятида ўтказилган мамлакат очик турнирида эса финалдагина имкониятни бой берди.

— Тинимсиз машқ қиламан. Хали камчиликларим кўп. Мусобақаларда мунтазам иштирок этиб, жанг техникасини маромига етказишни керак. Устозимдан жуда миннатдорман, шарт-шароитларимиз яхши, — дейди у.

Тажрибали мураббий Анасонхон Лутфуллаевдан сабоқ олаётган 14 нафар “чарм кўлпоп” илосманди



шогирд тайёрламоқда. Бинобарин, ўз тақдирини спорт билан болган фарзандларимиз орасида иқтидор эгалари сафи йилдан-йилга кенгайиб бормоқда. Уларда маҳорат кирраларини шакллантириш орқали етук спортчиларни тарбиялаш долзарб вазифалардан бирига айлангани диққатга сазовор. Чунончи, биз фаолияти ҳақида сўз юритаётган Наманган шаҳридаги Олий спорт маҳорати мактабиде яратилган имкониятлардан бугунги кунда 200 нафардан ортиқ ўғил-қиз баҳраманд.

Устозлари кўмагида бокс, дзюдо, эркин кураш, юнон-рум кураши, белбонли кураш, каратэ, таэквондо (ВТФ), оғир атлетика билан ошно тутиган эртанимиз эгаларининг ҳар бири



тажрибага эга бўлган мураббийлар сони ўттиздан ортиқ бўлиб, кўп қисми қалб кўри, бор билим ва маҳоратини сарфлаётган бу инсонлар меҳнати рўёбини топиши учун барча шарт-шароит яратилган. Кейинги пайтларда Ўзбекистон Болалар спортини ривожлантириш жамғармасининг 1 миллиард 700 миллион сўмлик ҳомийлик маблағи ҳисобига амалга оширилган реконструкция тадбирларидан сўнг қулайликлар янада кенгайди.

Таъкидлаш жоизки, мактабнинг вилоят, мамлакат спортини ривожлантиришга муносиб ҳисса қўшаётган иқтидорларни тарбиялаб беришдаги иштироки диққатга сазовор. Биргина ўтган йили муассаса тарбияланувчилари республика ва жаҳон чемпионатлари ҳамда халқаро турнирларда фаол қатнашиб, 34 та олтин, 35 та қумуш, 38 та бронза медални кўлга киритди. Жумладан, Мафтуна Эргашева Тошкент шаҳрида 1997-1998 йилларда тутилган қизлар ўртасида ташкил этилган мамлакат

Қудратилла НАЖМИДЖОНОВ,  
«Халқ сўзи» муҳбири.

Раҳмонжон САМАДАЛИЕВ  
олган суратлар.

# Табиатнинг мўъжаз «дорихонаси»

Кўк турп дастурхонга ўзгача зеб беради. Инчунун, сабзавотнинг ушбу тури шифобахш хусусиятлари кўплиги билан қадрлидир. Шу маънода, уни “табиатнинг мўъжазгина дорихонаси” дейиш мумкин.

Дарҳақиқат, турп илдиме-васи халқ табиотида кенг қўлланилади. Таркибидеги сув соч тоаларини мустаҳкамлайди, ичак фаолиятини маромига келтиради. Барги эса кўз нурини равшанлаштирилади. Йўтал, кўкрак шамоллаши, томоқ огригига қайнатилган турп тавсия этилади. Уни эмизикли аёллар истеъмол

қилса, сутни кўпайтиради. Барги, баргининг суви эса жигар тўкималарини очади. Ушбу сабзавот уруғидан олинган шира ва мой қулоқ шангиллашини қолдиради. Паришонхотирликнинг олдини олади. Шунингдек, ичаклар фаолиятига самарали таъсир қилиб, танадан ортиқча холестеринни чиқариб

ташлашга кўмаклашади. Бунинг учун илдимеваси ковак қилиб ўйлади ва у асал билан тўлдирилди. Чамаси олти соатдан сўнг шарбат тайёр бўлади. Уни бемалол истеъмол қилишнинг эҳтиоди мумкин. Кўпчилик қора турп ҳақида билмаса керак. Сабаби, у жуда кам экилади. Ваҳолонки, унинг шифобахш хусусиятлари талайгина. Масалан, қора турп калий тузларига жуда бойлиги билан сабзавотлар орасида биринчи ўринда туради. У ўпка сили,

қандли диабетда тавсия этилади. Қора турп огриқ қолдириш, пешоб ҳайдаш хусусиятига эга. Бод, мизозит, невралгия каби хасталиклари даволашда кўл келади. Бунда шираси огриқ жойларга суртилди. Бунинг учун бир дона қора турп ширасига бир чой қошиқ хантал қукуни қўшилгани маъқул. Қора турп инсултдан кейинги шол (паралич)да, айниқса, ижобий натижа беради. Бундай малҳамни уй шароитида бемалол тайёрлаш мумкин. Унинг тартиби куйидагича: қора турп, пиёз, хрен ширасидан бир ош қошиқдан ва эрмон ўти (полни горький)дан икки қошиқ олинди, улар яхшилаб аралаштирилди. Аралашмага 0,5 литр сирка қўшилади ва беш кун мобайнида сақлашга қўйилади. Тайёр малҳам озорланган жойга кунда тўрт маҳал суртилди. Аини шу даволаш муолажасида биру бир нисбатда қора турп билан хрен қирғичдан ўтказилиб, қаймоқ билан истеъмол қилинса, самараси янада яхшироқ бўлади.

Мирзамир МИРЗАШРИПОВ,  
дорихонаси.

**Халқ сўзи**  
**Народное слово**

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 167. 151 134 нусхадда босилди, ҳажми — 2 табоқ, Офсет усулида босилган. Қоғоз бичими А—2. Баҳоиси келишилган нарҳда.

Тажриятга келган кўлазмалар тақриз қилинмайди ва муаллифга қайтарилмайди.  
Рекама материаллари учун таҳририят жавобгар эмас.

Газета таҳририят компьютер марказида терилди ҳамда оператор М. Бегмутов томонидан сақлаланди.

Газетанинг полиграфик жиҳатдан сифатли чоп этилишига “Шарк” нашриёт-матбаа акциядорлик компанияси масъул. Босмахона телефони: (0-371) 233-11-07.

**• МАНЗИЛИМИЗ:**  
100000,  
Тошкент шаҳри,  
Матбуотчилар кўчаси, 32-уй.  
Навбатчи муҳаррир — С. Раҳмонов.  
Навбатчи — О. Файзиёв.  
Мусаҳҳих — Ш. Машраббев.

МУАССИСЛАР:  
Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси

ТЕЛЕФОНЛАР:  
Девонхона (0-371) 233-52-55;  
Котибият (0-371) 233-10-28; Эълонлар (0-371) 232-11-15.

«Шарк» нашриёт-матбаа акциядорлик компанияси босмахонаси. Корхона манзили:  
«Буюк Турон» кўчаси, 41. ЎЗА якуни — 22.20 Топширилди — 22.25 1 2 3 4 5 6